

საქართველოს კომუნიკაციების ეროვნული კომისიის

დადგენილება*****

___/___/___

ქ.თბილისი

„რადიოსიხშირული სპექტრით ან/და ნუმერაციის რესურსით სარგებლობის უფლების მოსაპოვებლად აუქციონის გამართვის დებულების დამტკიცების შესახებ“ საქართველოს კომუნიკაციების ეროვნული კომისიის 2005 წლის 12 დეკემბრის №13 დადგენილებაში ცვლილებების შეტანის თაობაზე

საქართველოს ზოგადი ადმინისტრაციული კოდექსის 63-ე მუხლის შესაბამისად, საქართველოს კომუნიკაციების ეროვნული კომისია ადგენს:

მუხლი 1

„რადიოსიხშირული სპექტრით ან/და ნუმერაციის რესურსით სარგებლობის უფლების მოსაპოვებლად აუქციონის გამართვის დებულების დამტკიცების შესახებ“ საქართველოს კომუნიკაციების ეროვნული კომისიის 2005 წლის 12 დეკემბრის N13 დადგენილებით (სსმ III, 14.12.2005. N 145; მუხლი N1620) დამტკიცებულ დებულებაში შევიდეს შემდეგი ცვლილებები:

1. დაემატოს შემდეგი შინაარსის 1¹ მუხლი:

„მუხლი 1¹. ტერმინთა განმარტება

1. ამ დებულებაში გამოყენებული ტერმინები განმარტება “ელექტრონული კომუნიკაციების შესახებ” საქართველოს კანონის შესაბამისად.

2. ამ დებულებაში გამოყენებულ ტერმინებს, ამ დებულების მიზნებისთვის აქვთ შემდეგი მნიშვნელობა:

ა) ბენჩმარკინგის მეთოდოლოგია - რადიოსიხშირული ზოლის კონკრეტული მონაკვეთის ფარგლებში არსებული რადიოსიხშირული რესურსის სავარაუდო ღირებულების შეფასების მეთოდი, რომლის დროსაც ხორციელდება საერთაშორისო მასშტაბით იგივე დიაპაზონებში წარმატებით ჩატარებული მსგავსი აუქციონების შედეგების ნორმალიზება/მისადაგება კონკრეტული ქვეყნის დემოგრაფიულ, ეკონომიკურ მონაცემებთან და ლიცენზიის ვადებთან.

ბ) ბიზნეს მოდელირების მეთოდოლოგია - რადიოსიხშირული რესურსის სავარაუდო ღირებულების შეფასების მეთოდი, რომლის დროსაც ხორციელდება კონკრეტული ქვეყნის დემოგრაფიულ, ეკონომიკურ და დარგის ფინანსურ მაჩვენებლებზე დაყრდნობით, ისევე როგორც სხვადასხვა რადიოსიხშირული დიაპაზონების ტექნიკური და კომერციული მახასიათებლების გათვალისწინებით წარმოსახვითი ოპტიმალური ბიზნეს მოდელების აგება და სხვადასხვა დიაპაზონების ფარგლებში რადიოსიხშირული რესურსის ფლობით მიღებული ფინანსური სარგებელის ანალიზის შედეგად რადიოსიხშირული ზოლის კონკრეტული მონაკვეთის ფარგლებში არსებული რადიოსიხშირული რესურსის სავარაუდო ღირებულების განსაზღვრა.

გ) რადიოსიხშირული დიაპაზონების შედარებითი ღირებულების კოეფიციენტი- ბენჩმარკინგისა ან/და ბიზნეს მოდელირების მეთოდოლოგიის საფუძველზე მსგავსი მახასიათებლების მქონე რადიოსიხშირული დიაპაზონებისათვის განსაზღვრული შედარებითი ღირებულების მაჩვენებელი.“

2. მე-7 მუხლის მე-3 პუნქტის ა) ქვეპუნქტი ჩამოყალიბდეს შემდეგი რედაქციით:

"ა) 800მჰც, 900მჰც და 1800 მჰც სიხშირულ დიაპაზონში გადამცემი სადგურების ჯამური რაოდენობა შეადგენს 400 სადგურს, თითოეული გადამცემი სადგურის მინიმალური გამოსასვლელი სიმძლავრე 20 ვატამდე (ჩათვლით);"

3. დაემატოს შემდეგი შინაარსის მე-9 მუხლი:

„მუხლი 9. ელექტრონული საკომუნიკაციო მომსახურებების და მიწისზედა სისტემებისათვის ჰარმონიზებულ რადიოსიხშირულ დიაპაზონში რადიოსიხშირული სპექტრით სარგებლობის საფასურის განსაზღვრა

რადიოსიხშირული სპექტრით სარგებლობის ლიცენზიის მისაღებად, კომისიის მიერ ელექტრონული საკომუნიკაციო მომსახურებების და მიწისზედა სისტემებისათვის ჰარმონიზებულ რადიოსიხშირულ დიაპაზონში სააუქციონოდ გამოტანილი რადიოსიხშირული რესურსით სარგებლობის საწყისი საფასური დგინდება:

ა) შესაბამისი რადიოსიხშირული ზოლის კონკრეტული მონაკვეთისათვის ბენჩმარკინგისა ან/და ბიზნეს მოდელირების მეთოდოლოგიებით შეფასებული 1 მჰც რესურსის სავარაუდო ღირებულების საფუძველზე, შემდეგი ფორმულით:

$$P = P_n * C - B$$

სადაც:

P - რადიოსიხშირული რესურსით სარგებლობის საწყისი საფასურის ოდენობაა ლარებში;

P_n - რადიოსიხშირული ზოლის კონკრეტული მონაკვეთისათვის ბენჩმარკინგისა ან/და ბიზნეს მოდელირების მეთოდოლოგიებით შეფასებული 1 მჰც რესურსის სავარაუდო ღირებულება;

C - ერთი ლიცენზიის ფარგლებში სააუქციონოდ გამოტანილი რადიოსიხშირული სპექტრის ერთეულთა (მჰც-ების) ოდენობა;

B - სააუქციონოდ გამოტანილი რადიოსიხშირული სპექტრის სავარაუდო ღირებულების (P_n*C), ბაზარზე არსებული მოთხოვნისა და სალიცენზიო ვალდებულებების გათვალისწინებით, კომისიის მიერ აუქციონის გამოცხადების შესახებ გადაწყვეტილებით განსაზღვრული 5%-დან 20%-მდე ფასდაკლება.

ბ) წინამდებარე დებულების მე-7 მუხლის შესაბამისად გაანგარიშებული საწყისი საფასურის 15 წლიან პერიოდზე პირდაპირპროპორციულად გადაანგარიშებით, შემდეგი ფორმულით:

$$N = P / 10 * 15$$

სადაც:

N - რადიოსიხშირული რესურსით სარგებლობის საწყისი საფასურის ოდენობაა ლარებში;

P - წინამდებარე დებულების მე-7 მუხლის შესაბამისად დაანგარიშებული რადიოსიხშირული რესურსით სარგებლობის აუქციონის საწყისი საფასურის ოდენობაა ლარებში;

მუხლი 2

ეს დადგენილება ამოქმედდეს გამოქვეყნებისთანავე.